

## ¡BOMBA!

No hay días santos en la Tierra,  
muy pocos para oraciones;  
ambiente de vacaciones:  
feminicidios y guerra



# K'intsil

Lunes 30 de marzo de 2026

CAMPECHE · YUCATÁN · QUINTANA ROO · AÑO 11 · NÚMERO 2693 · [www.lajornadamaya.mx](http://www.lajornadamaya.mx)



## Jpaapa León XIV ma' tu éejentik t'aano'ob a'alik Dyoose' ku chíimpoltik ba'ateltáambal, tu k'iinil Domingo de Ramos

Jpaapa León XIVE' ma' tu éejentaj le domingo máanika' t'aano'ob a'alik Dyose' ku na'atik -wa ku júustificartik- ka yanak ba'ateltáambal, ts'o'oke' paayalchi'inaj yóok'olal kristyaano'ob yaan Medio Oriente úuchik u beetik u miisail Domingo de Ramos tu táan ya'abach máako'ob k'uch tu k'iíwikil San Pedro. Ka'alikil u ba'ateltáambalil Estados Unidos yéetel Israel tu táan Irán tu chukaj ka'ap'eel winalo'ob, yéetel kex táan u multa'al Ucrania tumen Rusiae', paapae' tu ya'alaj ka'aj tse'eknaje' Dyoose' "u noj k'iinil jets'eknakil" ts'o'oke' ma' táan u chíimpoltik ka

yanak loobilaj yéetel ku méek'ik máaxo'ob ku péech' óolta'alo'ob. "Láak'e'ex, le je'ela' leti' Kdyyosa: Jesús, u noj k'iinil jets'eknakil, máax ma' táan u chíimpoltik ba'ateltáambal, máax ma' táan u béeytal u k'aabéetskunsal u k'aaba' ti'al u tso'olol ba'axten yaan ba'atelil, tumen leti'e' ma' táan u chíimpoltik ka yanak". Máaxo'ob jo'olbesik péektsilo'ob ichil ba'ateltáambal yaan Iráne' ts'o'ok u k'aabéetskunsiko'ob réelijyon ti'al u tsoliko'ob ba'axten ku beetiko'ob le ba'ax ku beetiko'obo'. Meyaj máako'ob ti' u lu'umil Estados Unidos' je'ex máax jo'olbesik Defensa, Pete Hegseth,

ts'o'ok u ch'a'achibiko'ob fe ku ts'áako'ob ti' kristyaanail tuukul ti'al u ya'aliko'ob ba'ateltáambal táane' ku yantal tumen jump'eel kaaj táan u ts'áakubáaj u p'atik paachil k'aak'as máako'ob yéetel miilitar muuk'. Beey túuno', Rusia xane' ts'o'ok u tsolik ba'axten ku multik Ucrania tumen ku ya'alike' "santa ba'ateltáambal" tu táan óoxidental kaaj, tumen ku tukultike' k'aak'as ba'al tu'ux jeets'el.

AP / P 22

Oochel Fernando Eloy